

ხელშეკრულება # 787
(სახელმწიფო შესყიდვების შესახებ)

ქ. თბილისი

2013 წელი

1. ხელშეკრულების დამდები მხარეები

სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის (შემდგომში „შემსყიდველი“) გენერალური დირექტორი ამირან გამყრელიძის სახით და შპს N5 კლინიკური სავადმყოფო (შემდგომში „მიმწოდებელი“) დირექტორი დავით ხაზარაძე სახით, ვაფორმებთ ხელშეკრულებას შემდეგზე:

2. ხელშეკრულების საგანი

2.1. საქართველოს მთავრობის 2012 წლის 15 მარტის N92 დადგენილებით დამტკიცებული ეპიდზედამხედველობის პროგრამის (დანართი N3) მე-5 მუხლის მე-6 პუნქტის საფუძველზე, დიარული დაავადებების ეპიდზედამხედველობის კომპონენტის კვლევებისათვის (მწვავე დიარული შემთხვევების - 6 მასალა) საჭირო მასალის აღება/შეგროვება თანდართული დანართისა და ინსტრუქციის შესაბამისად, რომლებიც წარმოადგენენ ხელშეკრულების განუყოფელ ნაწილს (CPV 85100000).

3. ხელშეკრულების ღირებულება

3.1. ხელშეკრულების საერთო ღირებულება შეადგენს 18 (თვრამეტი) ლარს (ერთი კვლევის ღირებულებაა 3 (სამი) ლარი).
3.2 ხელშეკრულებაში დაფიქსირებული ფასის შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებული გარემოებების არსებობისას, არაუმეტეს 10%-ისა.

4. ხელშეკრულების საფუძველი

4.1 "2013 წლის სახელმწიფო ბიუჯეტის შესახებ" საქართველოს კანონი.
4.2 „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტი.
4.3 „2012 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2012 წლის 15 მარტის #92 დადგენილება. (შემდგომში – „დადგენილება“)
4.4 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება.
4.5 „საქართველოს მთავრობის 2012 წლის 28 დეკემბრის #482 დადგენილება „იმ სახელმწიფო პროგრამების/მათი ღონისძიებების/მოცულობების განსაზღვრის შესახებ, რომელთა განხორციელებაც სახელმწიფოს მიერ 2012 წელს ნაკისრი ვალდებულებების შესასრულებლად უწყვეტად გაგრძელდება საქართველოს შრომის, ჯანმრთელობისა და სოციალური დაცვის სამინისტროს სისტემაში განსახორციელებელი 2013 წლის შესაბამისი ჯანმრთელობის დაცვის სახელმწიფო პროგრამების დამტკიცებამდე ან/და „სახელმწიფო შესყიდვების შესახებ“ საქართველოს კანონის მოთხოვნათა შესრულებამდე, ან ვაუჩერის პირობების შესაბამისად, შესაბამისი მიწოდებლების გამოვლენამდე და ჯანმრთელობის საყოველთაო დაზღვევის პროგრამის ამოქმედებამდე“ (შემდგომში „დადგენილება“)

5. შესყიდვის ობიექტის ხარისხი

5.1 შესყიდვის ობიექტის (გაწეული მომსახურების) ხარისხი უნდა შეესაბამებოდეს „2012 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2012 წლის 15 მარტის N92 დადგენილებით განსაზღვრულ და ხელშეკრულებაში (მ.შ. თანდართული ინსტრუქციით) გათვალისწინებულ მოთხოვნებს.

6. შესყიდვის ობიექტის მიწოდების ადგილი და ვადები

6.1 „მომსახურების“ გაწევის ვადა - 2013 წლის 1 ოქტომბრიდან 31 ოქტომბრის ჩათვლით.
6.2 მომსახურების მიწოდება უნდა დაიწყოს „შემსყიდველის“ მიერ „მიმწოდებლისათვის“ შესაბამისი ტესტ-სისტემებისა და სახარჯი მასალების მიწოდებისთანავე.
6.3 მომსახურების გაწევის ადგილი შპს N5 კლინიკური სავადმყოფო (თბილისი, თემქა 11მ/რ 1კვ).
6.4 საკვლევი ნიმუშის აღების თაობაზე შეტყობინების მიწოდების ადგილი - სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი (ქ. თბილისი, მ. ასათიანის ქ. N9).
6.5 გაწეულ მომსახურებაზე ინფორმაციის მიწოდების ადგილი - სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი (ქ. თბილისი, მ. ასათიანის ქ. N9).

7. ანგარიშსწორების წესი და ფორმა

7.1 ანგარიშსწორების ფორმა - უნაღდო ანგარიშსწორება.
7.2 ანგარიშსწორება განხორციელდება ლარებში.
7.3 ანაზღაურება განხორციელდება ხელშეკრულების ფარგლებში ფაქტიურად გაწეული მომსახურების და ერთეულის ფასის მიხედვით.
7.4 ანაზღაურება მოხდება შესყიდვის ობიექტის მიწოდებისა და ყოველთვიური მიღება-ჩაბარების აქტის ხელმოწერის შემდეგ „დადგენილებით“ განსაზღვრული წესის შესაბამისად.
7.5 „მიმწოდებელი“ ყოველთვიურად წარმოადგენს ანგარიშს ნაბეჭდი და ელექტრონული (Sylfaen) სახით მის მიერ საანგარიშო თვეში გაწეული „მომსახურების“ შესახებ, საქართველოს შრომის, ჯანმრთელობისა და სოციალური დაცვის სამინისტროს ჯანმრთელობის დაცვის დეპარტამენტთან შეთანხმებით, განმახორციელებლის მიერ დამტკიცებული

საანგარიშგებო ფორმებით.

7.6 „მიმწოდებელი“ კვარტალურად წარმოადგენს სრულ წერილობით ინფორმაციას „მომსახურების“ მიმდინარეობის და მიღებული შედეგების შესახებ.

7.7 „მიმწოდებელი“ სრულად აგებს პასუხს მის მიერ მიწოდებული ანგარიშების უტყუარობაზე. „მიმწოდებელი“ ადგილზე ინახავს ანგარიშებს და პირველად დოკუმენტაციას დადგენილი წესის შესაბამისად. საჭიროების შემთხვევაში გაცნობისათვის პირველივე მოთხოვნისთანავე წარუდგენს „შემსყიდველს“.

7.8 არასწორად, არასრულად ან არაკორექტულად წარმოდგენილი ანგარიშწორების ფორმა უბრუნდება „მიმწოდებელს“ მის საბოლოო შესწორებამდე, ამასთან შედეგებზე იგი პერსონალურად აგებს პასუხს.

7.9 „შემსყიდველისა“ და „მიმწოდებელს“ შორის მომსახურების შესრულებაზე ყოველთვიურად განხორციელდება მიღება-ჩაბარების აქტის გაფორმება.

8. მხარეთა უფლება-მოვალეობები

8.1 „შემსყიდველი“ ვალდებულია:

8.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

8.1.2. მიაწოდოს „მიმწოდებელს“ ხელშეკრულებით განსაზღვრული მომსახურების გაწევისათვის საჭირო ტექსტ-სისტემები და სახარჯი მასალა.

8.2 „მიმწოდებელი“ ვალდებულია:

8.2.1 მიაწოდოს „შემსყიდველს“ „მომსახურება“, რომელიც სრულად შეესაბამება ხარისხით და სხვა ყველა მონაცემებით „შემსყიდველის“ დაკვეთას.

8.2.2 აცნობოს „შემსყიდველს“ ყველა იმ ცვლილებათა შესახებ, რაც პირდაპირ ან ირიბად ეხება ხელშეკრულებას.

8.2.3 დროულად შეასრულოს ხელშეკრულებით ნაკისრი ყველა ვალდებულებანი.

8.2.4 „შემსყიდველის“ მიერ მიწოდებული, „მიმწოდებლის“ მიერ გამოუყენებელი ტექსტ-სისტემებისა და სახარჯი მასალა მომსახურების გაწევის ვადის გასვლის შემდეგ დაბრუნებული უნდა იქნას „შემსყიდველისათვის“.

8.3 „შემსყიდველი“ უფლებამოსილია:

8.3.1 მოითხოვოს „მიმწოდებლისაგან“ ხელშეკრულების ყველა პუნქტის უცვლილებელი შესრულება.

8.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგენა დაუძლეველი ძალა.

8.3.3 არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

8.4 „მიმწოდებელი“ უფლებამოსილია:

8.4.1 მოითხოვოს „შემსყიდველისაგან“ მის მიერ მიწოდებული „მომსახურების“ ღირებულების ანაზღაურება ხელშეკრულებით გათვალისწინებული ოდენობით.

8.4.2 განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „მომსახურების“ მიწოდება ან მის წინაშე დადგა დაუძლეველი ძალა.

8.4.3 აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

8.4.4 მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

8.4.5 მოითხოვოს „შემსყიდველისაგან“ რეალური ზარალის ანაზღაურება, რაც გამოიწვია მისი მხრიდან ამ ხელშეკრულების პირობების დარღვევამ.

9. დაუძლეველი ძალის მოქმედება

9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

9.2. ამ ხელშეკრულების მიზნებისათვის „დაუძლეველი ძალა“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით. რომელსაც ცნობენ მხარეები.

9.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.

9.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

10. ხელშეკრულების მოქმედების ვადა

10.1 ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

10.2 ხელშეკრულების მოქმედების ვადა განისაზღვრება 2013 წლის 1 ოქტომბრიდან 2013 წლის 31 დეკემბრის ჩათვლით.

10.3. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

11. განსაკუთრებული შენიშვნები

- 11.1 ხელშეკრულება დგება ქართულად, სამ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“, ხოლო ორი ეგზემპლარი ინახება „შემსყიდველთან“.
- 11.2 ხელშეკრულება შეიძლება შეწყდეს ერთ-ერთი მხარის ინიციატივით მხარეთა ურთიერთშეთანხმების საფუძველზე.
- 11.3 წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.
- 11.4. მხარეთა ურთიერთობები გარდა ამ ხელშეკრულებით განსაზღვრული პირობებისა რეგულირდება, ასევე „2012 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2012 წლის 15 მარტის #92 დადგენილებით განსაზღვრული პირობების შესაბამისად.

12. მხარეთა რეკვიზიტები

„შემსყიდველი“


სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“
მ.ასათიანის ქ. #9
საიდენტიფიკაციო კოდი 211324351
ქ. თბილისი, სახელმწიფო ხაზინა
კოდი TRESGE22
ანგარიშის # GE24NB03301100200165022
გენერალური დირექტორი:

„მიმწოდებელი“

შპს N5 კლინიკური სავადმყოფო
მისამართი: თბილისი, თემქა 118/რ 1კვ
საბანკო რეკვიზიტები:
ბანკის დასახელება: ბანკი რესპუბლიკა
ბ/კ REPLGE22
ს/კ 200010674
ა/ა GE08BR0000010595621063


დირექტორი:

დავით ხაზარაძე



ამირან გამყრელიძე







განსახორციელებელი მომსახურების (საკვლევი მასალის აღება/შეგროვება/გამოკვლევა) მოცულობა

დანართი

N	კომპონენტის დასახელება	ქვეკომპონენტის დასახელება	საკვლევი მასალა	თვის განმავლობაში მოსაწოდებელი
1	სქესობრივი გზით გადამდებ დაავადებათა ეპიდზედამხედველობის კომპონენტი	სიფილისის ეპიდზედამხედველობის ქვეკომპონენტი	სისხლი	
2		გონორეის ეპიდზედამხედველობის ქვეკომპონენტი	ნაცხი	
3	ნოზოკომიური ინფექციების ეპიდზედამხედველობის კომპონენტი	ნოზოკომიური ინფექციების ეპიდზედამხედველობის კომპონენტი	სისხლი	
4		ნოზოკომიური ინფექციების ეპიდზედამხედველობის კომპონენტი	ნახველი	
5		ნოზოკომიური ინფექციების ეპიდზედამხედველობის კომპონენტი	შარდი	
6		ნოზოკომიური ინფექციების ეპიდზედამხედველობის კომპონენტი	ნაცხი ქირურგიული ჭრილობიდან	
7	დიარეული დაავადებების ეპიდზედამხედველობის კომპონენტი	მწვავე დიარეა	ფეკალია	
8	დიარეული დაავადებების ეპიდზედამხედველობის კომპონენტი	ქრონიკული დიარეა	ფეკალია	
9	მენინგოენცეფალიტებისა და ჰემორაგიული ცხელებების ეპიდზედამხედველობის კომპონენტი	მენინგოენცეფალიტებისა და ჰემორაგიული ცხელებების ეპიდზედამხედველობის კომპონენტი	სისხლი	
10	ჰეპატიტების გავრცელების ეპიდზედამხედველობის კომპონენტი	ჰეპატიტების გავრცელების ეპიდზედამხედველობის კომპონენტი	სისხლი	

ინფორმაცია შეტყობინების განხორციელების ვადების თაობაზე

N	კომპონენტის დასახელება	ქვეკომპონენტის დასახელება	საკვლევი მასალა	ტრანსპორტირება დაქვემდებარებული საკვლევი მასალა	შენახვის პირობები	აღებული საკვლევი მასალის შეფუთვის პირობები	მასალის აღების თაობაზე შეტყობინების გაკეთების დრო	ტელეფონის ნომერი
1	სქესობრივი გზით გადამდებ დაავადებათა ეპიდზედამხედველობის კომპონენტი	სიფილისის ეპიდზედამხედველობის ქვეკომპონენტი	სისხლი	RPR დადებითი შრატით	ინსტრუქციის შესაბამისად	ინსტრუქციის შესაბამისად	კვირაში ორჯერ (სამშაბათს, ხუთშაბათს)	577135064 599100046
2	სქესობრივი გზით გადამდებ დაავადებათა ეპიდზედამხედველობის კომპონენტი	გონორეის ეპიდზედამხედველობის ქვეკომპონენტი	ნაცხი	ნაცხი	ინსტრუქციის შესაბამისად	ინსტრუქციის შესაბამისად	აღებისთანავე, მასალის აღება უნდა განხორციელდეს დღის 11-დან 2 საათამდე	577135064 599100046
3	ნოზოკომიური ინფექციების ეპიდზედამხედველობის კომპონენტი	ნოზოკომიური ინფექციების ეპიდზედამხედველობის კომპონენტი	სისხლი	სისხლი	ინსტრუქციის შესაბამისად	ინსტრუქციის შესაბამისად	აღებისთანავე, მასალის აღება უნდა განხორციელდეს დღის 11-დან 2 საათამდე	577135064 599100046
4	ნოზოკომიური ინფექციების ეპიდზედამხედველობის კომპონენტი	ნოზოკომიური ინფექციების ეპიდზედამხედველობის კომპონენტი	ნახველი	ნახველი	ინსტრუქციის შესაბამისად	ინსტრუქციის შესაბამისად	აღებისთანავე, მასალის აღება უნდა განხორციელდეს დღის 11-დან 2 საათამდე	577135064 599100046
5	ნოზოკომიური ინფექციების ეპიდზედამხედველობის კომპონენტი	ნოზოკომიური ინფექციების ეპიდზედამხედველობის კომპონენტი	შარდი	შარდი	ინსტრუქციის შესაბამისად	ინსტრუქციის შესაბამისად	აღებისთანავე, მასალის აღება უნდა განხორციელდეს დღის 11-დან 2 საათამდე	577135064 599100046
6	ნოზოკომიური ინფექციების ეპიდზედამხედველობის კომპონენტი	ნოზოკომიური ინფექციების ეპიდზედამხედველობის კომპონენტი	ნაცხი ქირურგიული ჭრილობიდან	ნაცხი ქირურგიული ჭრილობიდან	ინსტრუქციის შესაბამისად	ინსტრუქციის შესაბამისად	აღებისთანავე, მასალის აღება უნდა განხორციელდეს დღის 11-დან 2 საათამდე	577135064 599100046
7	დიარეული დაავადებების ეპიდზედამხედველობის კომპონენტი	მწვავე დიარეა	ფეკალია	ფეკალია	ინსტრუქციის შესაბამისად	ინსტრუქციის შესაბამისად	აღებისთანავე, მასალის აღება უნდა განხორციელდეს დღის 11-დან 2 საათამდე	577135064 599100046
8	დიარეული დაავადებების ეპიდზედამხედველობის კომპონენტი	ქრონიკული დიარეა	ფეკალია	ფეკალია	ინსტრუქციის შესაბამისად	ინსტრუქციის შესაბამისად	აღებისთანავე, მასალის აღება უნდა განხორციელდეს დღის 11-დან 2 საათამდე	577135064 599100046
9	მენინგოენცეფალიტებისა და ჰემორაგიული ცხელებების ეპიდზედამხედველობის კომპონენტი	მენინგოენცეფალიტებისა და ჰემორაგიული ცხელებების ეპიდზედამხედველობის კომპონენტი	სისხლი	სისხლი	ინსტრუქციის შესაბამისად	ინსტრუქციის შესაბამისად	კვირაში ორჯერ (სამშაბათს, ხუთშაბათს)	577135064 599100046
10	ჰეპატიტების გავრცელების ეპიდზედამხედველობის კომპონენტი	ჰეპატიტების გავრცელების ეპიდზედამხედველობის კომპონენტი	სისხლი	არ ექვემდებარება ტრანსპორტირებას				577135064 599100046

მწვავე, პერსისტული (გახანგრძლივებული) და ქრონიკული დიარეით მიმდინარე დაავადებების ეპიდზედამხედველობა

საკვლევი შემთხვევის განსაზღვრება:

მწვავე დიარეის შემთხვევა - პირი, რომელსაც გამოუვლინდა მწვავედ განვითარებული ენტერალური კლინიკური ნიშნები:

24 საათის განმავლობაში 3-ჯერადი და მეტი დეფეკაცია ნორმალურისგან განსხვავებული ან წყლისებური ან სისხლნარევი ფეკალით (ერთ შემთხვევაში მაინც), ექიმთან მიმართვამდე არაუმეტეს 7დღის განმავლობაში და ანამნეზში ერთ-ერთი სიმპტომი ქვემოთ ჩამოთვლილთაგან:

- ✓ მაღალი ($\geq 38^{\circ}\text{C}$) ან სუბ-ფებრილური ($\leq 38^{\circ}\text{C}$) ტემპერატურა,
- ✓ გულისრევა
- ✓ ღებინება
- ✓ მუცლის ტკივილი

პერსისტული (გახანგრძლივებული) დიარეის შემთხვევა - პირი, რომელსაც დაავადება დაეწყო მწვავედ - 24 საათის განმავლობაში გამოუვლინდა 3-ჯერადი და მეტი დეფეკაცია, რომელიც გაუგრძელდა არანაკლებ 14 დღე და ფეკალი იყო ნორმალურისგან განსხვავებული ან წყლისებური ან სისხლის მინარევით ერთხელ მაინც.

ქრონიკული დიარეის შემთხვევა - პირი, რომელსაც აქვს გახანგრძლივებულად, 2 - 4 კვირის განმავლობაში, დღეში 3 -ჯერადი და მეტი დეფეკაცია ნორმალურისგან განსხვავებული ფეკალით.

სტანდარტული ოპერაციული პროტოკოლი

ქმედებები:

- I. შერჩეულ სამკურნალო დაწესებულებებში წინასწარ შეთანხმებული და მომზადებული სამედიცინო პერსონალი უზრუნველყოფს:
 - ✓ პაციენტისგან ფეკალის საანალიზო ნიმუშის აღებას და შენახვას პროტოკოლის მიხედვით (დანართი 1);
 - ✓ თითოეულ ნიმუშზე შემთხვევის ლაბორატორიული კვლევის მოთხოვნის ფორმის (H-ინდივიდ.) შევსებას (დანართი 2);
შენიშვნა: შემთხვევა კვლევიდან გამოირიცხება, თუ არ მოხდება მისგან კვლევისთვის საანალიზოდ საჭირო ფეკალის ნიმუშის აღება.

დანართი 1. განავლის ნიმუშის აღების და ტრანსპორტირების ინსტრუქცია

ნიმუშის აღებამდე გასათვალისწინებელი რჩევები:

- წინასწარ მოაზრადეთ ნიმუშის ასაღები მასალები და "ლაბორატორიული კვლევის მოთხოვნის ფორმა (H-ინდივიდ.)"
- უფორმო/თხელი განავალი წარმოადგენს კვლევისათვის რეკომენდირებულ ნიმუშს
- აუხსენით პაციენტს, რომ განავალი უნდა მოხდეს პირდაპირ სუფთა კონტეინერში, ან უნდა მოხდეს მისი აღება სუფთა ღამის ქოთნიდან (ე.წ. "სუდნო") ან ცელოფანის პარკიდან, რომელიც მოთავსდება უნიტაზის დასაჯდომ რგოლსა და უნიტაზს შორის, ნიმუშის დაბინძურება არ უნდა მოხდეს შარდით და საპირფარეოს წყლით
- სასურველია ნიმუში აღებული იყოს ანტიბიოტიკის მიღებამდე

1. აიღეთ სტერილურ კონტეინერში განავლის/თხევადი ფეკალის ნიმუში 10 მლ. რაოდენობით (20-24 კონტეინერის კოვზი) ან კაკლის ზომის განავლის ნიმუში, მნიშვნელოვანია ნიმუშების აღება განავლის სხვადასხვა უბნებიდან და განსაკუთრებით იმ ადგილებიდან, სადაც სისხლის ან ლორწოს არსებობა თვალსაჩინოა.
2. მთავრად კონტეინერს თავსახური კარგად და ჩახრახნით ყურადღებით (დარწმუნდით, რომ მჭიდროდ აქვს კონტეინერს მორგებული თავსახური),
3. ნიმუშის გაუკეთეთ მარკირება, კონტეინერზე მარკერის საშუალებით დააწერეთ:
 - პაციენტის გვარი, სახელი
 - ასაკი
 - საიდენტიფიკაციო კოდი (რიგითი ნომერი)
 - ნიმუშის აღების თარიღი და დრო
4. შეავსეთ სრულყოფილად შესაბამისი "ლაბორატორიული კვლევის მოთხოვნის ფორმა (H-ინდივიდ.)", რომელიც ნიმუშთან ერთად შემოვა ლაბორატორიაში;

ნიმუშის კონტეინერის ეტიკეტსა და "ლაბორატორიული კვლევის მოთხოვნის ფორმაში" არსებული ინფორმაცია უნდა შეესაბამებოდეს ერთმანეთს!

5. თუ ლაბორატორიაში მიტანამდე საჭიროა 2 საათზე მეტი დრო, ნიმუშების შენახვა უნდა მოხდეს მაცივარში ან ცივ ყუთში ყინულის გამოყენებით (+4-- +8°C) 24 საათის განმავლობაში;
6. ტრანსპორტირება ლაბორატორიამდე უნდა მოხდეს ცივი ყუთებით (+4-- +8°C), დაუშვებელია სინჯარების გადატანა პირადი სარგებლობის ნივთებით (მაგ. ხელჩანთებით). კონტეინერები ცივ ყუთებში უნდა მოთავსდეს ვერტიკალურ მდგომარეობაში (თავსახურის მხარე ზევით).
7. კონტეინერების ტრანსპორტირებისას არ უნდა მოხდეს მათი ფიზიკური დაზიანება.
 - გამოსაკვლევი მასალის შემცველი კონტეინერის გახსნა შეუძლია მხოლოდ ლაბორატორიის მუშაკს.

სასჯელაღსრულების სამინისტროს სამედიცინო ნაწილის მიერ განსახორციელებული ქმედებები:

განავლის ნიმუშის აღების და ტრანსპორტირების ინსტრუქცია

ნიმუშის აღებამდე გასათვალისწინებელი რჩევები:

- წინასწარ მოამზადეთ ნიმუშის ასაღები მასალები და "ლაბორატორიული კვლევის მოთხოვნის ფორმა (H-ინდივიდ.)"
- უფორმო/თხელი განავალი წარმოადგენს კვლევისათვის რეკომენდირებულ ნიმუშს
- აუხსენით პაციენტს, რომ განავალი უნდა მოხდეს პირდაპირ სუფთა კონტეინერში, ან უნდა მოხდეს მისი აღება სუფთა ღამის ქოთნიდან (ე.წ. "სუდნო") ან ცელოფანის პარკიდან, რომელიც მოთავსდება უნიტაზის დასაჯდომ რგოლსა და უნიტაზს შორის, ნიმუშის დაბინძურება არ უნდა მოხდეს შარდით და საპირფარეოს წყლით

მწვავე დიარეის შემთხვევაში ფეკალის საკვლევი ნიმუშის აღება და შენახვა მოხდება ორი წესით:

1. აიღეთ სტერილურ კონტეინერში განავლის/თხევადი ფეკალის ნიმუში 5 მლ (10-12 კონტეინერის კოვზი) და შეინახეთ მაცივარში 24 (48) საათის განმავლობაში +4 C -- +8 °C-ზე, არ გაყინოთ;

1.1 აიღეთ სტერილურ კონტეინერში განავლის/თხევადი ფეკალის ნიმუში 5 მლ (10-12 კონტეინერის კოვზი), მოათავსეთ სატრანსპორტო ნიადაგიან (სოიოს ტრიპკაზული ბულიონი) კონტეინერში და შეანჯღრიეთ, მოათავსეთ მაცივარში 24 (48) საათის განმავლობაში (+4-- +8°C-ზე), არ გაყინოთ.

მნიშვნელოვანია ნიმუშების აღება განავლის სხვადასხვა უბნიდან და განსაკუთრებით იმ ადგილებიდან, სადაც სისხლის ან ლორწოს არსებობა თვალსაჩინოა.

- ✓ მთარგეთ კონტეინერს თავსახური კარგად და ჩახრახნეთ ყურადღებით (დარწმუნდით, რომ მჭიდროდ აქვს კონტეინერს მორგებული თავსახური),
- ✓ ნიმუშს გაუკეთეთ მარკირება, კონტეინერზე მარკერის საშუალებით დააწერეთ:

- პაციენტის გვარი, სახელი
- ასაკი
- საიდენტიფიკაციო კოდი (რიგითი ნომერი)
- ნიმუშის აღების თარიღი და დრო/და ნიმუშის ჩათესვის დრო

- ✓ შეავსეთ სრულყოფილად შესაბამისი "ლაბორატორიული კვლევის მოთხოვნის ფორმა", რომელიც ნიმუშთან ერთად შემოვა ლაბორატორიაში; ნიმუშის კონტეინერის ეტიკეტსა და "ლაბორატორიული კვლევის მოთხოვნის ფორმაში" არსებული ინფორმაცია უნდა შეესაბამებოდეს ერთმანეთს!
- ✓ ტრანსპორტირება ლაბორატორიამდე უნდა მოხდეს ასევე ცივი ყუთებით (+4-- +8°C) დაუშვებელია სინჯარების გადატანა პირადი სარგებლობის ნივთებით (მაგ. ხელჩანთებით). კონტეინერები ცივ ყუთებში უნდა მოთავსდეს ვერტიკალურ მდგომარეობაში (თავსახურის მხარე ზევით).
- ✓ კონტეინერების ტრანსპორტირებისას არ უნდა მოხდეს მათი ფიზიკური დაზიანება.
 - გამოსაკვლევი მასალის შემცველი კონტეინერის გახსნა შეუძლია მხოლოდ ლაბორატორიის მუშაკს.

დანართი 2

იხ. ცალკე დანართის სახით